

կային տեսութենէ հեռի՝ այս բարձրաբերձ լեռան տափարակներու մէջ ազահով կարածեն վայրի Նոխազք, որոյ անուամբ ևս քրդեր Թէքքէ-Բինէ (Նոխազանց բնակարան) յորջորջած են: Երկու Թէքքէ-Բինէներն ևս իրենց հարան պատած են անմատչելի բնական ամրոցներ, որոց իւրաքանչիւրն կարող է պատուարել 50,000 տուն: Երկու ճանապարհներով կարելի է 3—5 ժամ մազցելով բարձրանալ այսր, և մի այլ ճանապարհով ևս մեծ դժուարութեամբ անասուն բարձրացնելով, սակայն իւրաքանչիւր նեղ անցքի վերայ բաւական է 2—3 մարդ ամբողջ բանակի մը դէմ:

Ընթերցողք, մեծ ճիւղ ու ջանք թափենք, բարձրանալք այս բնական ամրոցն, բազառտենք այս վայրի ամրոցն մարդկայիններու հետ, տարբերութիւնը պիտի գանենք այնպէս՝ որպէս մարդկային ամրոցներ երկնից մօտ. դուն ուրէք մարդկային երես տեսնող եղևնիք աճած են ցցելով իրենց զազալթներն յերկինս, սորանց հեռեւած՝ բարախ, ուռի, հացի, թխքի ևլն. հազարաւոր անպտուղ ծառեր, իսկ խոնարհ սփռուած պողպլից մասուր, քարջին, դառնիջ, ծոր, շլոր, ալուճ, մկնալուճ, ևլն. պտուղ արտապրող ծառեր ու թփերն: Ջրերն այս ու այն կողմ՝ կղզիան, ծաղիկները և կանաչ երփներանգ գոյներով զարդարուած, շուրջը կը տեսնես նոխազը թաղուած է հասակաւոր խոտի մէջ՝ աներկիւղ կարածէ, 1—2 կանգուն բարձր կրնակի վերայ կեռացած եղջիւրներն միայն կը տեսնես, սորա շուրջը ևս խոտերն ճեղքելով ալիքներ կը կազմեն, մենք ևս հարիւրաւոր տարուայ չորացած դազալներու կակուղ խաւք կոխտակով յուշիկ մերձենանք, եթէ որոց ուշադրութիւնը չը գրաւենք, պիտի տեսնենք ձագուկներէն մին առջի